

Cynnwys

Rhagair gan y Cadeirydd	2
1. Cyflwyniad	3
2. Trosolwg o waith y Pwyllgor yn 2025/26	3
2.1 Rôl Craffu	3
2.2 Y Blaengynllun Gwaith	5
2.3 Cyfarfodydd y Pwyllgor Craffu - Perfformiad ac Adnoddau Corfforaethol.....	5
2.4 Monitro Perfformiad / Materion Strategol.....	5
2.4.1 Adroddiad Blynnyddol Cyngor Sir Caerfyrddin 2024/25.....	6
2.4.2 Cynlluniau Cyflawni Is-adrannol Drafft 2026/27	7
2.4.3 2025/26 - Adroddiadau Perfformiad sy'n berthnasol i'r Pwyllgor	7
2.4.4 Camau Gweithredu ac Atgyfeiriadau	7
2.5 Cyllidebau Refeniw a Chyfalaf	8
2.5.1 Adroddiadau Monitro Cyllideb	8
2.5.2 Cyllidebau Refeni a Chyfalaf	8
2.5.3. Adroddiad Alldro'r Gyllideb Refeniw	8
2.5.4 Ymgynghoriad ar Strategaeth y Gyllideb Refeniw 2026/27 i 2028-29.....	8
2.6 Adran y Gwasanaethau Corfforaethol	9
2.6.1 Adroddiad ynghylch y Dangosyddion Darbodaeth a Rheoli'r Trysorlys.....	9
2.6.2 Polisi a Strategaeth Rheoli'r Trysorlys 2026-27	9
2.7 Adran y Prif Weithredwr	10
2.7.1 Bwrdd Gwasanaethau Cyhoeddus Sir Gaerfyrddin	10
2.7.2 Monitro Absenoldeb Salwch	10
2.7.3 TIC - Rhaglen Drawsnewid y Cyngor	10
2.7.4 - Adroddiad Blynnyddol Cwynion y Cyngor 2024-25	11
2.7.5 Sefydlu Grŵp Gorchwyl a Gorffen ar y Ganolfan Gyswllt Gorfforaethol	11
2.7.6 Polisi Deallusrwydd Artiffisial Cynhyrchol	11
2.7.7 Adroddiad Cysylltu Sir Gâr.....	11
3. Gweithgarwch Craffu Arall.....	12
3.1 Gorchwyl a Gorffen	12
3.2 Ymweliadau Safle.....	13
3.3 Sesiynau Datblygu	13
4. Effaith	14
4.1 Sut mae Craffu wedi gwneud gwahaniaeth eleni?.....	14
5. Ymgysylltu â'r Cyhoedd.....	14
6. Heriau.....	15
7. Gwaith yn y Dyfodol	15
8. Cefnogi'r Swyddogaeth Graffu	15
9. Presenoldeb	16

Rhagair gan y Cadeirydd



Croeso i adroddiad blynyddol y Pwyllgor Craffu - Perfformiad ac Adnoddau Corfforaethol ar gyfer blwyddyn y cyngor 2024/25. Fel Cadeirydd, mae'n bleser gennyf gyflwyno'r adroddiad hwn i chi sy'n manylu ar y gwaith a wnaed gan y Pwyllgor yn ystod y flwyddyn ddiwethaf.

Mae craffu yn rhan hanfodol o ddemocratiaeth leol a llywodraethu da. Mae'r gwaith a gwmpesir gan yr adroddiad hwn yn sicrhau bod y Cyngor yn parhau i fod yn atebol ac yn dryloyw, yn effeithiol ac yn effeithlon. Mae cwestiynu a herio'r rheiny sy'n gwneud penderfyniadau hefyd yn helpu'r Cyngor i gyflawni ei amcanion ac i sbarduno gwelliant.

Roedd gan y Pwyllgor Craffu Perfformiad ac Adnoddau Corfforaethol raglen eang o waith yn ystod 2025/26, yn canolbwyntio ar reoli perfformiad, goruchwylio ariannol, trawsnewid, llywodraethu ac effeithiolrwydd sefydliadol. Cynhaliodd y Pwyllgor chwe chyfarfod ffurfiol ac ymgymrodd â gweithgarwch craffu ychwanegol trwy'r Grŵp Gorchwyl a Gorffen a sesiynau datblygu aelodau.

Y darn mwyaf arwyddocaol o waith craffu manwl yn ystod y flwyddyn oedd yr Adolygiad Gorchwyl a Gorffen parhaus ar y Ganolfan Gyswllt Gorfforaethol. Fe wnaeth newidiadau staffio yn ystod 2025 ohirio'r adolygiad ac nid oedd y Grŵp yn gallu cwblhau ei waith o fewn yr amserlen wreiddiol.

Felly, cytunodd y Pwyllgor i ymestyn yr adolygiad a bydd yn derbyn yr adroddiad terfynol yn ystod Hydref 2026.

Yn olaf, hoffwn ddiolch hefyd i holl aelodau'r Pwyllgor a'r swyddogion am eu cyfraniadau a'u hymroddiad yn ystod 2025/26.

Y Cynghorydd Giles Morgan

Cadeirydd y Pwyllgor Craffu Perfformiad ac Adnoddau Corfforaethol

1. Cyflwyniad

Mae'r swyddogaeth Graffu yn elfen allweddol o drefniadau llywodraethu'r Cyngor Sir a'i broses o wneud penderfyniadau. Er nad yw'n gorff sy'n gwneud penderfyniadau, mae Craffu yn fwyaf effeithiol pan fydd yn manteisio ar y potensial i ddylanwadu ar benderfyniadau a wneir gan y Cyngor a chyrrff partner ar draws y sir.

Mae Erthygl 6.2 o Gyfansoddiad y Cyngor yn ei gwneud yn ofynnol i'r holl Bwyllgorau Craffu *"baratoi adroddiad blynyddol sy'n egluro gweithgareddau'r Pwyllgor dros y flwyddyn flaenorol"*.

Mae'r adroddiad hwn yn tynnu sylw at y gwaith a wnaed gan y Pwyllgor Craffu - Perfformiad ac Adnoddau Corfforaethol yn ystod blwyddyn y cyngor 2025/26. Ei nod yw rhoi cyfle i aelodau fwrw golwg ar ei gyflawniadau, nodi meysydd arferion gorau a thynnu sylw at feysydd i'w gwella er mwyn gwella'r swyddogaeth graffu ymhellach. Yn ogystal, efallai y bydd yr adroddiad hwn yn hwyluso trafodaeth ar eitemau y gellid eu nodi i'w cynnwys mewn rhaglenni gwaith yn y dyfodol.

Mae'r Pwyllgor dan gadeiryddiaeth y Cyngorydd Giles Morgan ac mae'n cynnwys 13 Aelod Etholedig ac mae Aelodau o'r Cabinet yn mynd i gyfarfodydd yn ôl y gofyn er mwyn annerch y Pwyllgor ar feysydd o fewn eu portffolios priodol.

Darparwyd cymorth gan yr Uned Gwasanaethau Democrataidd a Swyddogion eraill y Cyngor, pan fo angen.

2. Trosolwg o waith y Pwyllgor yn 2025/26

2.1 Rôl Craffu

Diweddarwyd cylchoedd gwaith y Pwyllgorau Craffu gan y Cyngor yn dilyn yr etholiadau ym mis Mai 2022 a daeth pob Pwyllgor Craffu yn gyfrifol am graffu ar Bortffolios Penodol y Cabinet a'u gwasanaethau perthnasol a chael trosolwg ohonynt. Mae'r Pwyllgor Craffu - Perfformiad ac Adnoddau Corfforaethol yn gyfrifol am graffu ar y Cabinet a phortffolios canlynol y Cabinet a'u meysydd gwasanaeth priodol:-

Arweinydd

Cadeirydd y Cabinet	Cysylltu ag arweinwyr grwpiau gwleidyddol eraill
Cysylltiadau â Llywodraeth Cymru	Strategaeth Gorfforaethol
Cysylltiadau â Llywodraeth Leol	Craffu
Cynrychioli'r Cyngor - Cymdeithas Llywodraeth Leol Cymru	Cyd-bwyllgor Corfforedig De-orllewin Cymru
Dinas-Ranbarth Bae Abertawe	Pennu Portffolios y Cabinet
Marchnata a'r Cyfryngau	Y Bwrdd Gwasanaethau Cyhoeddus

Penodi Aelodau'r Cabinet	Deddf Llywodraeth Leol ac Etholiadau (Cymru) 2021
Cyswllt â'r Prif Weithredwr	Arfor

Adnoddau

Strategaeth Gyllid a'r Gyllideb	Caffael a Fframweithiau
Rhaglen Gyfalaf	Cyflawni Arbedion
Rheoli Asedau / Eiddo	Gwasanaethau Ariannol
Comisiynu a Chaffael	Budd i'r Gymuned
Rheoli Risg a Chynllunio Risg	Y Dreth Gyngor
Budd-daliadau Tai	Ardrethi Annomestig Cenedlaethol
Refeniw	Cyllid Strategol (Prosiectau Corfforaethol)
Datganiad Llywodraethu Blynnyddol	Llywodraethu Corfforaethol
Cynrychiolydd y Cabinet ar y Grŵp Llywodraethu Corfforaethol	

Trefniadaeth a'r Gweithlu

Canolfannau Cyswllt a'r Canolfannau Gwasanaethau Cwsmeriaid	Gweithio ystwyth
Cydraddoldeb - polisi a'r gweithlu	Arweinydd Polisi Iechyd a Diogelwch
Adnoddau Dynol a Chynllunio'r Gweithlu	Cyflawni Blaenoriaethau'n Gorfforaethol
Rheoli Perfformiad	Gwasanaethau Etholiadol
Busnes a Gwella Gwasanaethau	Y Crwner
Archwilio Cymru	Cofrestryddion (Genedigaethau, Marwolaethau a Phriodasau)
Hyfforddiant - Dysgu a Datblygu	Ymgysylltu ag Undebau Llafur
TGCh Darparu Gwasanaethau Digidol	Datblygu Sgiliau
T.I.C. (Trawsnewid i Wneud Cynnydd)	Cynllunio Gweithlu Rhanbarthol
Llesiant Gweithwyr	Rhaglen Sgiliau a Thalentau (Y Fargen Ddinesig)
Dyletswydd Economaidd-gymdeithasol	Amrywiaeth y Gweithlu
Hyrwyddwr y Lluoedd Arfog	Cuddwyllo, Rhyddid Gwybodaeth a diogelu data
Y Rhaglawiaeth	Cwynion
Iechyd Galwedigaethol	Hyrwyddwr Gwrthgaethwasiaeth a Chyflogaeth Foesegol
Gwerthoedd Craidd	

Yn unol â'i feysydd cyfrifoldeb, bydd y Pwyllgor Craffu - Perfformiad ac Adnoddau Corfforaethol yn ceisio:-

- Archwilio pa mor dda y mae'r Cabinet a'r Cyngor yn perfformio;
- Dwyn y Cabinet i gyfrif a cheisio hyrwyddo proses benderfynu sy'n agored ac yn dryloyw;

- Monitro perfformiad gwasanaethau a swyddogaethau'r Cyngor;
- Adolygu penderfyniadau'r Cabinet lle bo hynny'n briodol;
- Cynorthwyo'r Cabinet i ddatblygu, monitro, ac adolygu polisiau;
- Craffu ar y strategaeth cyllideb refeniw a'r rhaglenni buddsoddiadau cyfalaf arfaethedig, a hynny fel rhan allweddol o'r broses ymgynghori;
- Galluogi sefydliadau a phartneriaid allanol i gyfrannu at y gwaith o ystyried materion a all effeithio ar y modd y cyflawnir blaenoriaethau'r Cyngor a'r sir gyfan.

2.2 Y Blaengynllun Gwaith

Mae'r broses graffu yn chwarae rhan allweddol o ran hyrwyddo atebolrwydd ym mhroses gwneud penderfyniadau yr Awdurdod Lleol. Roedd hefyd yn ddefnyddiol i sicrhau bod polisiau'r Cyngor yn adlewyrchu'r blaenoriaethau cyfredol, yn ogystal â hyrwyddo effeithlonrwydd ac annog cydweithio ag asiantaethau allanol.

Er mwyn i'r Pwyllgorau Craffu gymryd mwy o berchnogaeth o'u Blaengynlluniau Gwaith eu hunain, cyflwynwyd dull craffu cyn gwneud penderfyniadau ym mis Medi 2022 sy'n caniatáu i Bwyllgorau Craffu benderfynu pa adroddiadau o Flaengynllun Gwaith y Cabinet y maent am eu gweld yn dod ger eu bron. Yn ôl y drefn arferol, roedd Pwyllgorau hefyd yn gallu nodi eu pynciau eu hunain ac roedd y Cabinet yn dal i allu gwahodd Pwyllgor Craffu i graffu ar benderfyniad oedd ar y gweill.

Defnyddiodd y Pwyllgor fframwaith Gateway y Ganolfan Llywodraethu a Chraffu i ddatblygu ei Flaengynllun Gwaith ar gyfer blwyddyn y cyngor 2025/26 a adolygwyd yn rheolaidd. Roedd hyn yn darparu dull hawdd ei reoli, hyblyg a chadarn o graffu ac yn sicrhau bod y meysydd i'w hadolygu yn cael eu hystyried ar sail blaenoriaeth ac mewn modd amserol.

Yn hyn o beth, penderfynodd y Pwyllgor ddosbarthu adroddiadau cyfnodol ynghylch perfformiad a monitro'r gyllideb i aelodau y tu allan i'r rhaglen cyfarfodydd ffurfiol. Roedd y broses hon yn golygu bod modd gosod unrhyw faterion perthnasol a nodwyd gan aelodau ar yr agenda ffurfiol i'w hystyried ymhellach, fel y bo'n briodol. Arweiniodd manteision y dull hwn o weithio at wella'r drafodaeth a'r cyfraniadau yn ystod cyfarfodydd y Pwyllgor Craffu. At ei gilydd, roedd agendâu'r cyfarfodydd yn gyson â'r rheiny a amlinellwyd yn y Blaengynllun Gwaith.

2.3 Cyfarfodydd y Pwyllgor Craffu - Perfformiad ac Adnoddau Corfforaethol

Trefnwyd cyfarfodydd bob 6-8 wythnos i ystyried materion ac adroddiadau sydd wedi'u cynnwys yn y Blaengynllun Gwaith. Cynhaliodd y Pwyllgor 6 cyfarfod ffurfiol yn ystod blwyddyn y cyngor 2025/26 a chynhaliwyd pob cyfarfod yn unol â'r darpariaethau a nodir yn Adran 47 o Ddeddf Llywodraeth Leol ac Etholiadau (Cymru) 2021.

Er mwyn ategu'r gwaith a wnaed yn ystod cyfarfodydd ffurfiol, mae'r Pwyllgor hefyd yn cyflawni swyddogaethau craffu eraill megis Gorchwyl a Gorffen, Craffu Un Diwrnod ac ymweliadau â sefydliadau a ddaw o fewn ei gylch gwaith, ynghyd â sesiynau datblygu a gweithdai.

2.4 Monitro Perfformiad / Materion Strategol

Un o brif rolau'r Pwyllgor Craffu - Perfformiad ac Adnoddau Corfforaethol yw monitro perfformiad gwasanaethau a swyddogaethau o fewn ei gylch gwaith. Yn unol â hynny, mae'r Pwyllgor yn adolygu adroddiadau monitro perfformiad a gwahanol strategaethau a chynlluniau i roi asesiad cytbwys o'r perfformiad ar draws y meysydd gwasanaeth perthnasol.

2.4.1 Adroddiad Blynyddol Cyngor Sir Caerfyrddin 2024/25

Ym mis Tachwedd 2025 bu'r Pwyllgor yn ystyried Adroddiad Blynyddol y Cyngor 2024/25 a gynhyrchwyd yn unol â'r darpariaethau perthnasol o fewn Deddf Llesiant Cenedlaethau'r Dyfodol (Cymru) 2015 a Deddf Llywodraeth Leol ac Etholiadau (Cymru) 2021.

Roedd yr adroddiad yn rhoi gwybodaeth ar y sail ganlynol ar gyfer pob Amcan Llesiant yn ogystal â'r blaenoriaethau Thematig a Gwasanaeth:

- **Trosolwg o gynnydd** - mae'n rhoi trosolwg cryno o'n cynnydd mewn perthynas â mesurau cyffredinol ar gyfer pob Amcan Llesiant, gan gysylltu hyn â phwysigrwydd yr amcan hwnnw.
- **Yn gryno** - mae'n rhoi trosolwg o'n cynnydd mewn perthynas â phob un o'n meysydd blaenoriaeth Thematig a Gwasanaeth.
- **Sut rydym yn gwneud?** - mae'n rhoi dadansoddiad o'r cynnydd a wnaed mewn perthynas â'n mesurau allweddol fel y manylir yn y Gyfres Ddata Gorfforaethol.
- **Cynnydd yn erbyn Canlyniadau** - mae'n rhoi cynnwys ar weithgarwch o bob rhan o'r sefydliad sy'n ymwneud â'r canlyniad hwnnw neu'n mynd i'r afael â'r canlyniad hwnnw.
- **Oes unrhyw un ar ei ennill?** - mae'r adran hon yn darparu astudiaethau achos neu straeon newyddion da yn ymwneud â'r elfen 'So What?'. Mae'r ffocws ar dynnu sylw at y gwahaniaeth rydym wedi'i wneud i fywydau ein trigolion a'n defnyddwyr gwasanaeth trwy ein gweithgareddau.
- **Sut gallwn ni wneud yn well?** - mae'r adran hon yn darparu crynodeb o'r meysydd i'w gwella a nodwyd er mwyn mynd ati i wneud y gwelliannau hynny.

Canolbwyntiodd y Pwyllgor ar y pedwar Amcan Llesiant sy'n dod o fewn ei gylch gwaith, sef:

AMCAN LLESIANT 1: Galluogi ein plant a'n pobl ifanc i gael y dechrau gorau posibl mewn bywyd (Dechrau'n Dda).

AMCAN LLESIANT 2: Galluogi ein trigolion i fyw a heneiddio'n dda (Byw a Heneiddio'n Dda).

AMCAN LLESIANT 3: Galluogi ein cymunedau a'n hamgylchedd i fod yn iach, yn ddiogel ac yn ffyniannus (Cymunedau Ffyniannus).

AMCAN LLESIANT 4: Moderneiddio a datblygu ymhellach fel Cyngor cydnerth ac effeithlon (Ein Cyngor)

Canlyniad:

Ystyriodd a derbyniodd y Pwyllgor yr Adroddiad Blynyddol ar 5 Tachwedd, 2025. Yna ystyriwyd yr adroddiad gan y Cabinet ar 15 Rhagfyr, 2025 pryd yr argymhellwyd i'r Cyngor ei fod yn cael ei gymeradwyo, ac yn dilyn hynny cafodd ei fabwysiadu yn ei gyfarfod ar 28 Ionawr, 2026.

2.4.2 Cynlluniau Cyflawni Is-adrannol Drafft 2026/27

Ym mis Ionawr, 2026 bu'r Pwyllgor yn ystyried y Cynlluniau Cyflawni Rhanbarthol canlynol sy'n berthnasol i Gyfarwyddiaeth y Prif Weithredwr ac Adnoddau Corfforaethol ar gyfer 2026-2027:-

- Pobl, Digidol a Pholisi 2026/27;
- Y Gyfraith, Llywodraethu a Gwasanaeth Sifil 2026/27;
- Prosiectau Cyfalaf sy'n Gysylltiedig ag Iechyd 2026/27;
- Refeniw a Chydymffurfiaeth Ariannol 2026/27;
- Y Gwasanaethau Ariannol 2026/27.

Roedd y cynlluniau hyn yn pennu'r camau a'r mesurau strategol i'w gweithredu ym mhob Is-adran er mwyn i'r Cyngor wneud cynnydd mewn perthynas â'i amcanion llesiant, ei flaenoriaethau thematig a blaenoriaethau'r gwasanaeth. Rhoddodd hyn gyfle i'r Pwyllgor ystyried y blaenoriaethau a amlinellwyd ar gyfer yr Is-adran a gwneud sylwadau yn eu cylch.

Canlyniad:

Bu'r Pwyllgor yn adolygu'r Cynlluniau Busnes 2026/27 ar gyfer y Gwasanaethau o fewn yr Adrannau Prif Weithredwr ac Adnoddau Corfforaethol sy'n dod o fewn ei gylch gwaith, ar 30 Ionawr 2026 a phenderfynodd dderbyn y cynlluniau busnes.

2.4.3 2025/26 - Adroddiadau Perfformiad sy'n berthnasol i'r Pwyllgor

Yn unol â'r protocolau a sefydlwyd gan y Pwyllgor, cafodd adroddiadau monitro perfformiad chwarterol sy'n berthnasol i gylch gwaith y Pwyllgor eu dosbarthu i aelodau fel a ganlyn:-

- Gorffennaf, 2025 - Monitro Perfformiad Chwarter 4 2024/25
- Tachwedd, 2025 - Monitro Perfformiad Chwarter 1 2025/26
- Ionawr, 2026 - Monitro Perfformiad Chwarter 2 2025/26
- Monitro Perfformiad Chwarter 3 2025/26 (wedi'i e-bostio at y Pwyllgor ym mis Mawrth, 2026)

Roedd yr adroddiadau yn galluogi aelodau i fonitro perfformiad mewn perthynas â'r Amcanion Llesiant sy'n berthnasol i gylch gwaith y Pwyllgor ac sy'n cyd-fynd â Strategaeth Gorfforaethol yr Awdurdod. Roedd y wybodaeth yn rhoi hunanwerthusiad o berfformiad yn unol â'r fframwaith deddfwriaethol diwygiedig sydd wedi'i ymgorffori yn Rhan 6 o Ddeddf Llywodraeth Leol ac Etholiadau (Cymru) 2021. Rhoddwyd cyfle i'r Aelodau godi unrhyw bryderon neu faterion yr oedd angen eu hystyried ymhellach yng nghyfarfod ffurfiol y Pwyllgor, yn unol â Rheolau'r Weithdrefn Graffu.

2.4.4 Camau Gweithredu ac Atgyfeiriadau

Yn ystod blwyddyn y cyngor gwnaed ceisiadau am eitemau ychwanegol gan aelodau'r Pwyllgor i'w cynorthwyo i gyflawni eu rôl graffu. Cyflwynwyd y wybodaeth ddiweddaraf am y Camau Gweithredu a'r Atgyfeiriadau i'r Pwyllgor yn ei gyfarfodydd a gynhaliwyd ym mis Rhagfyr 2025 a'u hanfon drwy e-bost ym mis Mawrth 2026 a oedd yn manylu ar y cynnydd a wnaed mewn perthynas â'r ceisiadau hyn.

2.5 Cyllidebau Refeniw a Chyfalaf

2.5.1 Adroddiadau Monitro Cyllideb

Yn unol â'r protocolau a sefydlwyd gan y Pwyllgor, dosbarthwyd adroddiadau chwarterol ar y cyllidebau refeniw a chyfalaf adrannol a chorfforaethol i aelodau fel a ganlyn:-

- Mehefin, 2025 - mewn perthynas â'r sefyllfa gyllidebol ar 28 Chwefror 2025
- Tachwedd, 2025 - mewn perthynas â'r sefyllfa gyllidebol ar 30 Mehefin 2025;
- Rhagfyr, 2025 - mewn perthynas â'r sefyllfa gyllidebol ar 31 Awst 2025;
- Ionawr, 2026 - mewn perthynas â'r sefyllfa gyllidebol ar 31 Hydref 2025.

Dosbarthwyd yr adroddiadau monitro cyllideb ar gyfer Rhagfyr 2025 i'r Pwyllgor drwy e-bost, ym mis Mawrth 2026, i roi cyfle i Aelodau godi unrhyw bryderon neu faterion, yn unol â Rheolau'r Weithdrefn Graffu.

2.5.2 Cyllidebau Refeniw a Chyfalaf

Cafodd y Pwyllgor adroddiadau chwarterol am y cyllidebau cyfalaf a refeniw adrannol a chorfforaethol. Galluogai'r adroddiadau hyn yr aelodau i fonitro'r gwariant ym mhob maes a'r cynnydd a wnaed o ran unrhyw waith cyfalaf.

Yn ogystal â monitro'r gyllideb bresennol, ymgynghorwyd â'r Pwyllgor hefyd ynghylch Strategaeth Cyllideb Refeniw 2026/27 i 2028/29. Roedd yr adroddiad yn rhoi'r cynigion presennol i'r Pwyllgor ynghylch y Gyllideb Refeniw ar gyfer 2026/27, ynghyd â ffigurau dangosol ar gyfer blynyddoedd ariannol 2026/27 a 2028/29.

Derbyniodd yr Aelodau'r adroddiad a chymeradwyo'r Crynhoad Taliadau. Ymgynghorwyd â'r Pwyllgor ynglŷn â'r Rhaglen Gyfalaf Bum Mlynedd 2026/27 - 2030/31.

2.5.3 - Adroddiad Alldro'r Gyllideb Refeniw 2024-25

Yn ogystal â monitro'r cyllidebau refeniw a chyfalaf cyfredol, dosbarthwyd Adroddiad Alldro'r Gyllideb Refeniw 2024/25 i'r Pwyllgor ym mis Tachwedd 2025 a roddodd i'r Pwyllgor sefyllfa ariannol fel yr oedd ar ddiwedd y flwyddyn ariannol.

Rhoddodd yr adroddiad y ffigurau alldro terfynol i'r Pwyllgor a oedd yn dangos gorwariant o £12,215k ar lefel adrannol gan gynnwys symudiad mewn balansau ysgolion. Ar ôl ystyried y tanwariant ar daliadau cyfalaf a'r symudiad mewn cronfeydd wrth gefn a glustnodwyd a chronfeydd wrth gefn Adrannol, roedd y sefyllfa net ar gyfer yr Awdurdod yn golygu tanwariant o £3,251k.

2.5.4 Strategaeth y Gyllideb Refeniw 2026/27 i 2028/29

Yn ogystal â monitro'r cyllidebau refeniw a chyfalaf presennol, ymgynghorwyd â'r Pwyllgor hefyd ar Strategaeth Cyllideb Refeniw 2026/27 i 2028/29 yn ei gyfarfod ym mis Ionawr 2026. Roedd yr adroddiad yn rhoi'r Strategaeth Cyllideb Refeniw arfaethedig ar gyfer

Canlyniad:

Mynegodd y Pwyllgor bryderon drwy gydol y flwyddyn ynglŷn ag amseroldeb adroddiadau monitro cyllideb gan fod y data wedi dyddio erbyn iddo gael ei dderbyn gan y Pwyllgor.

Fel rhan o ymgynghoriad eang yr Awdurdod a gynhaliwyd ar Strategaeth Cyllideb Refeniw 2026/27, roedd y Pwyllgor wedi ystyried a chymeradwyo'r Strategaeth yn ei gyfarfod a gynhaliwyd ar 30 Ionawr 2026. Wedi hynny, cytunodd y Cabinet ar y Strategaeth ar 16 Chwefror 2026 a mabwysiadodd y Cyngor y Strategaeth ar 25 Chwefror 2026.

2.6 Adran y Gwasanaethau Corfforaethol

2.6.1 Adroddiad ynghylch y Dangosyddion Darbodaeth a Rheoli'r Trysorlys

Cafodd y Pwyllgor ddiweddariadau yn amlinellu'r gweithgareddau o fewn Swyddogaeth Rheoli'r Trysorlys yn ystod blwyddyn y cyngor.

Roedd yr adroddiadau ynghylch Rheoli'r Trysorlys yn amlinellu'r gweithgareddau fesul cyfnod i'r Pwyllgor. Lluniwyd y Dangosyddion Darbodus i sicrhau bod unrhyw fenthycia neu rwymedigaethau hirdymor eraill yr ymrwymir iddynt at ddibenion cyfalaf yn fforddiadwy, yn gynaliadwy ac yn ddarbodus. Mae'r dangosyddion yn ofynnol o dan Ddeddf Llywodraeth Leol 2023 a'r fersiwn diwygiedig o'r Côt Ymarfer Darbodaeth er mwyn rheoli cyllid cyfalaf. Mae rhai o'r dangosyddion yn cael eu monitro gan swyddogion yn fisol a dim ond os cânt eu torri yr adroddir amdanynt, bydd y gweddill yn cael eu monitro gan y Cabinet yn chwarterol.

2.6.2 Polisi a Strategaeth Rheoli'r Trysorlys 2026-27

Ym mis Ionawr 2026 adolygodd y Pwyllgor benderfyniadau rheoli'r trysorlys a'r prosesau a'r arferion a ddefnyddiwyd wrth wneud y penderfyniadau hynny at ddibenion dysgu o'r gorffennol, ac i ddangos bod camau rhesymol wedi'u cymryd i sicrhau bod yr holl faterion sy'n berthnasol i'r penderfyniadau hynny wedi cael eu hystyried ar y pryd.

Darperir yr adroddiadau er mwyn cydymffurfio â'r fersiynau diwygiedig o Gôd Darbodaeth CIPFA a Chôt Ymarfer CIPFA ynghylch Rheoli'r Trysorlys 2021. Mae'n ofynnol bod y Cyngor yn cynnal Polisi Rheoli'r Trysorlys sy'n nodi polisïau ac amcanion gweithgareddau'r Awdurdod o ran Rheoli'r Trysorlys ac yn cymeradwyo strategaeth yn flynyddol cyn dechrau'r flwyddyn ariannol y mae'n ymwneud â hi.

Canlyniad:

Bu'r Pwyllgor yn ystyried y Strategaeth trwy e-bost ym mis Ionawr 2026. Wedi hynny, cytunodd y Cabinet ar y strategaeth ar 16 Chwefror 2026 a mabwysiadodd y Cyngor y strategaeth ar 25 Chwefror 2026.

2.7 Adran y Prif Weithredwr

2.7.1 Bwrdd Gwasanaethau Cyhoeddus Sir Gaerfyrddin

Mae Deddf Llesiant Cenedlaethau'r Dyfodol (Cymru) 2015 yn nodi ei bod yn ofynnol i bwyllgor craffu dynodedig graffu ar waith y Bwrdd Gwasanaethau Cyhoeddus. Bu'r Pwyllgor, fel y pwyllgor craffu dynodedig a benodwyd i graffu ar waith y Bwrdd Gwasanaethau Cyhoeddus, yn adolygu ac yn asesu'r wybodaeth a oedd wedi'i chynnwys yn y cofnodion.

Canlyniad:

Bu'r Pwyllgor yn ystyried ac yn cymeradwyo cofnodion cyfarfodydd Bwrdd Gwasanaethau Cyhoeddus Sir Gaerfyrddin.

2.7.2 Monitro Absenoldeb Salwch

Ym mis Rhagfyr 2025 aeth y Pwyllgor ati i adolygu absenoldeb salwch yr Awdurdod ar gyfer yr holl weithwyr a gyflogir gan yr Awdurdod. Bu'r Pwyllgor yn ystyried adroddiad a oedd yn rhoi data am absenoldeb salwch ar gyfer cyfnod cronol Chwarter 2 2025/26 gyda throsolwg o'r cymorth llesiant gweithwyr a ddarparwyd.

Ymatebwyd yn foddhaol i ymholiadau craffu a godwyd mewn perthynas â chynnwys yr adroddiad ac roedd yr Aelodau'n canmol y modd proffesiynol o reoli salwch ac yn diolch i'r swyddogion am y gefnogaeth a roddwyd i staff.

Canlyniad:

Ystyriodd a derbyniodd y Pwyllgor Adroddiad Perfformiad Absenoldeb Salwch ar gyfer cyfnod cronol Chwarter 2 2025/26 a'r diweddariad diwedd blwyddyn.

2.7.3 TIC - Rhaglen Drawsnewid y Cyngor

Ym mis Gorffennaf 2025, Rhagfyr 2026 a Mawrth 2026 (drwy e-bost), derbyniodd y Pwyllgor ddiweddariad ynglŷn ag adolygu dull yr Awdurdod ynghylch trawsnewid. Mae'r rhaglen yn cyd-fynd yn llawn â nodau ac amcanion y Strategaeth Gorfforaethol newydd. Mae'r Strategaeth yn canolbwyntio ar gyflawni'r 8 blaenoriaeth thematig ganlynol:

- Arbedion a Gwerth am Arian
- Incwm a Masnacheiddio
- Dylunio a Gwella Gwasanaethau
- Y Gweithlu
- Y Gweithle
- Cwsmeriaid a Digidol
- Datgarboneiddio

- Ysgolion

Roedd Strategaeth Drawsnewid yn cael ei datblygu a fydd yn darparu'r fframwaith strategol ar gyfer tanio rhaglen o newid a thrawsnewid arwyddocaol ar draws y sefydliad dros y 5 mlynedd nesaf.

Canlyniad:

Ystyriodd y Pwyllgor yr adroddiadau a'u cymeradwyo.

2.7.4 - Adroddiad Blynnyddol Cwynion y Cyngor 2024-25

Ym mis Tachwedd, 2025 derbyniodd y Pwyllgor ddiweddariad yn crynhoi'r cwynion a'r ganmoliaeth a dderbyniwyd gan y Cyngor, yn ystod y cyfnod 1 Ebrill 2024 i 31 Mawrth 2025, drwy ei Bolisi Cwynion Corfforaethol. Roedd yr adroddiad yn manylu ar gydymffurfiaeth â Rheoliadau Gwasanaethau Cymdeithasol (Gweithdrefn Gwynion) (Cymru) 2014, Rheoliadau Gweithdrefn Sylwadau (Cymru) 2014 a "Canllaw i ymdrin â chwynion a sylwadau gan awdurdodau lleol Gwasanaethau Cymdeithasol" Llywodraeth Cymru.

Canlyniad:

Ystyriodd y Pwyllgor yr adroddiad a'i gymeradwyo.

2.7.5 Sefydlu Grŵp Gorchwyl a Gorffen ar y Ganolfan Gyswllt Gorfforaethol

Ym mis Hydref 2023, ystyriodd y Pwyllgor sefydlu Grŵp Gorchwyl a Gorffen i adolygu gweithrediad Canolfan Gyswllt Gorfforaethol yr Awdurdod.

Yn ystod blynnyddoedd y cyngor 2024/25 a 2025/26, roedd y panel yn cyfarfod o bryd i'w gilydd i drafod meysydd allweddol, gan gynnwys:

- ffyrdd o wella'r amser aros cyfartalog ar gyfer galwadau ffôn,
- asesu rhifau ffôn nad ydynt yn cael eu defnyddio drwy gydol yr awdurdod,
- adolygu canolfannau cyswllt bach,
- cryfhau'r berthynas rhwng canolfannau HWB a'r Ganolfan Gyswllt,
- gwella galwadau dwyieithog

Yn Hydref 2025, roedd newidiadau staffio wedi oedi cynnydd, ac ni fodlonwyd y dyddiad cau o ran adrodd. Cytunwyd felly y byddai'r adroddiad terfynol yn cael ei gyflwyno i'r Pwyllgor cyn Hydref 2026.

Canlyniad:

Yn anffodus, oherwydd newidiadau staff yn ystod 2025, ni fodlonwyd dyddiad cau'r adroddiad a chytunwyd i ymestyn yr amserlen a chyflwyno'r canlyniad terfynol i'r Pwyllgor yn ystod tymor yr Hydref 2026.

2.7.6 Polisi Deallusrwydd Artiffisial Cynhyrchiol

Ym mis Tachwedd 2025, derbyniodd y Pwyllgor adroddiad yn cynnig fframwaith strategol ar gyfer defnydd cyfrifol a diogel o dechnolegau Deallusrwydd Artiffisial cynhyrchiol ar draws y sefydliad, gan fynd i'r afael â'r ffaith nad oedd polisi presennol gan y Cyngor.

Ystyriodd y Pwyllgor bolisi drafft wedi'i lywio gan ganllawiau y Ganolfan Seiberddiogelwch Genedlaethol a Llywodraeth Cymru.

Nod y polisi oedd galluogi'r Cyngor i ddefnyddio offer Deallusrwydd Artiffisial Cynhyrchiol fel Microsoft Copilot, i wella cynhyrchiant, symleiddio gwasanaethau, a chefnogi'r broses o wneud penderfyniadau, wrth gynnal safonau moesegol, diogelu data, ac atebolrwydd cyhoeddus.

Bydd Gwasanaethau Digidol yn cynnal y polisi, a fydd yn cael ei adolygu'n rheolaidd i adlewyrchu technolegau a gofynion rheoleiddiol sy'n datblygu.

Canlyniad:

Ystyriodd y Pwyllgor yr adroddiad a'i gymeradwyo yn ei gyfarfod a gynhaliwyd ar 5 Tachwedd 2025. Yna cymeradwywyd y Polisi gan y Cabinet ar 12 Ionawr, 2026.

2.7.7 Adroddiad Cysylltu Sir Gâr

Ym mis Tachwedd 2025, bu'r Pwyllgor yn adolygu cysylltedd sefydlog a symudol ledled Sir Gaerfyrddin. Tynnodd yr adroddiad sylw at y ffaith bod cydweithredu parhaus â'r llywodraeth a phartneriaid y sector preifat yn hanfodol i ehangu'r ôl troed digidol. Roedd Sir Gaerfyrddin yn elwa'n sylweddol ar sawl ymyriad:

- Y Fargen Ddinesig
- Prosiect Gigabit
- Llywodraeth Cymru - Ymestyn Band Eang Cyflym

Diolchodd y Pwyllgor i'r swyddogion am ddarparu adroddiad eglur a chynhwysfawr sy'n amlinellu'r gwaith sydd wedi'i gwblhau a'r gweithgaredd yn y dyfodol.

Canlyniad:

Penderfynodd y Pwyllgor dderbyn yr adroddiad yn ei gyfarfod.

3. Gweithgarwch Craffu Arall

3.1 Gorchwyl a Gorffen

Pwrpas y Grŵp Gorchwyl a Gorffen yw cyfrannu at ddatblygu polisi newydd neu ymgymryd â darn o waith craffu ymchwiliol. Mae grwpiau o'r fath wedi bod yn allweddol wrth gryfhau datblygiad polisi / rolau craffu ymchwiliol yn ystod y blynyddoedd diwethaf.

Yn ystod blwyddyn y cyngor, fel rhan o'i rôl ymchwiliol, aeth y Pwyllgor ati i lunio Grŵp Gorchwyl a Gorffen i adolygu'r Ganolfan Gyswllt Gorfforaethol.

Amcanion a chwmpas yr Adolygiad Gorchwyl a Gorffen oedd:

- Adolygu perfformiad a datblygiad y Ganolfan Gyswllt Gorfforaethol
- Nodi a oedd y gwasanaeth presennol yn ddigon cadarn, cyson, cydlynol, heb fod yn dyblygu ac yn rhoi gwerth am arian.
- Llunio argymhellion i'w hystyried gan y Cabinet.

Roedd aelodaeth y Grŵp Gorchwyl a Gorffen yn cynnwys 6 aelod etholedig a benodwyd i adlewyrchu cydbwysedd gwleidyddol y Cyngor yn ei gyfanrwydd, cyn belled ag y bo modd:-

Plaid Cymru:	Y Cyngorydd Alex Evans, Y Cyngorydd Kim Broom, Y Cyngorydd Terry Davies,
Y Grŵp Annibynnol:	Y Cyngorydd Giles Morgan
Grŵp Llafur:	Y Cyngorydd Derek Cundy (penodwyd tan fis Mai 2024), Y Cyngorydd Dot Jones (penodwyd tan fis Ebrill 2026)

3.2 Ymweliadau Safle

Nid oedd y Pwyllgor wedi cynnal unrhyw ymweliadau safle yn ystod 2025/2026.

3.3 Sesiynau Datblygu

Yn ystod blwyddyn y cyngor 2025/26, gwahoddwyd Aelodau i'r sesiynau/seminarau datblygu canlynol a drefnwyd gan yr Awdurdod:-

19 Mehefin, 2025	Hyfforddiant Gorfodi Rheolau Cynllunio
9 Gorffennaf, 2025	Proses Cyhoeddusrwydd Cynllunio
17 Gorffennaf, 2025	Briffio'r Aelodau - Partneriaeth Pensiwn Cymru
23 Gorffennaf, 2025	Sesiwn Ymwybyddiaeth a Strategaeth Deallusrwydd Artiffisial
1 Awst	Ymgynghoriad ar y Cynllun Gwasanaethau Clinigol - Bwrdd Iechyd Prifysgol Hywel Dda
10 Medi, 2025	Sesiynau galw heibio system e-ddysgu Thinqi
8 Hydref, 2025	Rhagolygon y Gyllideb Refeniw
12 Tachwedd	Sesiwn galw heibio system Thinqi i Gynghorwyr
12 Tachwedd	Cynlluniau Creu Lleodedd Canol Trefi
10 Rhagfyr	Diweddariad Blynyddol gan Wasanaeth Tân Canolbarth a Gorllewin Cymru Cyn Pennu'r Gyllideb
2026	
7 Ionawr	Hyfforddiant Tân
13 Ionawr	(Rhagarweiniad), Seminar Ymgynghori ar y Gyllideb (Pob Aelod)
13 Ionawr	Addysg a Hamdden, Seminar Ymgynghori ar y Gyllideb (Pob Aelod)
14 Ionawr	Gwasanaethau Cymdeithasol a Thai, Seminar Ymgynghori ar y Gyllideb (Pob Aelod)
15 Ionawr	Lle, Seilwaith a Datblygu Economaidd, Seminar Ymgynghori ar y Gyllideb (Pob Aelod)
5 Chwefror	Atal Aflonyddu Rhywiol yn y Gweithle
11 Chwefror	Atal Aflonyddu Rhywiol yn y Gweithle
15 Chwefror	Lle, Seilwaith a Datblygu Economaidd, Ymgynghori ar y Gyllideb (Pob Aelod)
20 Chwefror	Sesiwn Briffio Datblygiadau o Arwyddocâd Cenedlaethol
9 Mawrth	Gwelliannau i'r A48

4. Effaith

4.1 Sut mae Craffu wedi gwneud gwahaniaeth eleni?

Mae'r rhan fwyaf o'r penderfyniadau a wneir gan yr Awdurdod yn cael eu gwneud gan y Cabinet. Mae'r broses graffu'n rhoi cyfle i'r 65 o gynghorwyr anweithredol eraill ddylanwadu ar y penderfyniadau hynny a gweithredu fel 'cyfaill beirniadol'. Mae Craffu Cyn Gwneud Penderfyniadau yn arbennig o ddylanwadol yn hyn o beth gan ei fod yn rhoi cyfle i Bwyllgorau Craffu ystyried a rhoi sylwadau ar bolisïau a materion sy'n dod i'r amlwg cyn iddynt gael eu hystyried gan y Cabinet. Hefyd mae Craffu yn helpu i sicrhau bod polisïau'r Cyngor yn adlewyrchu'r blaenoriaethau cyfredol, yn ogystal â hyrwyddo effeithlonrwydd ac yn annog cydweithio effeithiol â chyrff allanol.

Mae Craffu yn chwarae rôl allweddol wrth wella'r gwasanaethau a ddefnyddir gan bobl a phlant Sir Gaerfyrddin. Hefyd mae'r broses graffu yn ddefnyddiol o ran sicrhau bod polisïau'r Cyngor yn adlewyrchu'r blaenoriaethau cyfredol, yn ogystal â hyrwyddo effeithlonrwydd ac annog cydweithio effeithiol â chyrff allanol. Mae cyfraniad preswylwyr lleol, sefydliadau a phartneriaid yn y gymuned yn rhan bwysig o'r broses graffu ac mae ein Cynghorwyr wedi ymrwmo i ymateb i sylwadau a phryderon preswylwyr.

Mae Craffu Cyn Gwneud Penderfyniadau yn rhoi cyfle i bob Pwyllgor Craffu roi mewnbwn cyn i'r adroddiadau gael eu hystyried gan y Cabinet a dyma lais y bobl. Yn ystod blwyddyn y cyngor 2025/26, mae'r Pwyllgor Craffu - Perfformiad ac Adnoddau Corfforaethol wedi cael effaith gadarnhaol mewn sawl ffordd, gan wneud gwaith y Cyngor yn agored ac yn dryloyw i'r cyhoedd.

5. Ymgysylltu â'r Cyhoedd

Mae'r swyddogaeth graffu yn rhoi cyfle i'r cyhoedd gymryd rhan yng ngweithgareddau'r Awdurdod lle gall aelodau o'r cyhoedd ofyn am i eitemau gael eu gosod ar agenda cyfarfod y Pwyllgor. Mae'r rhai sy'n byw yn Sir Gaerfyrddin, neu sy'n berchen ar fusnes neu'n cael eu cyflogi yn y sir, hefyd yn cael gofyn cwestiynau yng nghyfarfodydd y Pwyllgor Craffu.

Er na dderbyniodd y Pwyllgor unrhyw awgrymiadau o bynciau posibl gan y cyhoedd yn ystod 2025/26, roedd Blaengynllun Gwaith y Pwyllgor yn cynnwys amrywiaeth o bynciau a oedd yn gofyn am ymgynghori â'r cyhoedd/cynnwys y cyhoedd.

Er mwyn hyrwyddo ymwybyddiaeth y cyhoedd o Bwyllgorau Craffu a gallu'r cyhoedd i gyflwyno pynciau i'w trafod, cyhoeddir Blaengynlluniau Gwaith Pwyllgorau Craffu yr Awdurdod, a manylion ynghylch sut y gall y cyhoedd gymryd rhan, ar wefan yr Awdurdod:-

[Craffu - Cyngor Sir Gaerfyrddin](#)

Yn ystod blwyddyn y cyngor, rhoddodd is-adran Gyfathrebu yr Awdurdod gymorth marchnata digidol i'r swyddogaeth Graffu gan fynd ati i hyrwyddo manylion eitemau ar gyfer y dyfodol a allai fod o ddiddordeb i'r cyhoedd mewn ymgais i gynyddu ymwybyddiaeth a chyfranogiad y

cyhoedd. Gwahoddir y cyhoedd, drwy nifer o wahanol ffyrdd, i gymryd rhan yn y broses Graffu ac i dynnu sylw at unrhyw faterion sy'n peri pryder.

6. Heriau

Wrth ymgymryd â'i waith mae'r Pwyllgor wedi wynebu sawl her, mae'r rhain yn cynnwys eitemau na chafwyd adroddiadau yn eu cylch yn unol â'r Flaenraglen Waith a'r oedi wrth dderbyn adroddiadau ariannol, er bod hyn bellach yn cael sylw yn unol â'r hyn a ganiateir gan y gweithdrefnau ariannol.

7. Gwaith yn y Dyfodol

Mae'r Pwyllgor wedi gwneud cynnydd sylweddol yn ystod blwyddyn y cyngor a bydd yn parhau i ganolbwyntio ar bynciau lle bydd cyfraniadau'r Aelodau'n arwain at ganlyniadau cadarnhaol i ysgogi gwelliannau yn y gwasanaeth.

Cafodd gwaith y Pwyllgor yn ystod blwyddyn y cyngor 2026/27 ei ystyried mewn Sesiwn Blaengynllun Gwaith ar 15 Ebrill 2026 a bydd yn cael ei adolygu'n rheolaidd fel rhan o fonitro'r Blaengynllun Gwaith yn ystod y flwyddyn.

Er mwyn gwella swyddogaeth graffu'r Awdurdod, bydd aelodau'n parhau i fynd i sesiynau datblygu, yn gofyn am gyngor y swyddogion lle y bo'n briodol ac yn manteisio'n llawn ar drafodaeth anffurfiol cyn cyfarfodydd.

8. Cefnogi'r Swyddogaeth Graffu

Mae'r cymorth a roddir i swyddogaeth graffu Cyngor Sir Caerfyrddin yn cael ei ddarparu gan yr Uned Gwasanaethau Democrataidd yn Is-adran y Gyfraith, Llywodraethu a Gwasanaethau Sifil yn Adran y Prif Weithredwr. Mae'r cymorth a roddir i'r swyddogaeth graffu yn cynnwys y canlynol:-

- llunio ac anfon agendâu ar gyfer cyfarfodydd y Pwyllgor Craffu yn unol â'r Blaengynlluniau Gwaith;
- darparu cymorth a chynghor cyfansoddiadol i'r Pwyllgorau Craffu ac i aelodau'r Pwyllgorau hynny yn ogystal â llunio cofnodion eu cyfarfodydd a sicrhau bod unrhyw faterion sy'n codi o'r cyfarfodydd hynny yn cael eu gweithredu;
- rhoi cymorth a chynghor mewn perthynas â swyddogaethau Pwyllgorau Craffu'r Cyngor i aelodau'r Cyngor a'i swyddogion;
- rheoli datblygiad strategol Craffu yn Sir Gaerfyrddin trwy ymwneud â rhwydweithiau a mentrau Craffu cenedlaethol a rhanbarthol, cefnogi Fforwm Cadeiryddion ac Is-gadeiryddion y Pwyllgorau Craffu, a chyfarfodydd y Cadeiryddion ac Is-gadeiryddion Craffu gyda'r Cabinet;
- rhoi cyngor a chymorth yn y gwaith o weithredu gofynion Mesur Llywodraeth Leol (Cymru) 2011 a Deddf Llywodraeth Leol ac Etholiadau (Cymru) 2021, wrth i'r canllawiau gael eu cyhoeddi;
- rheoli cydlynad a datblygiad Blaengynlluniau Gwaith y Pwyllgorau Craffu ar y cyd ag aelodau'r Pwyllgorau Craffu;

- rheoli a chydlynu gwaith adolygu'r swyddogaeth Graffu, gan gynnwys gweinyddu grwpiau gorchwyl a gorffen ym maes craffu, cynorthwyo i lunio adroddiadau ar y cyd â'r grwpiau, a chynorthwyo i weithredu a monitro'r adolygiadau a gwblhawyd.
- cynorthwyo â Rhaglen Datblygu Aelodau'r Pwyllgorau Craffu.

I gael rhagor o wybodaeth am Graffu yn Sir Gaerfyrddin gan gynnwys Blaengynlluniau Gwaith, adroddiadau Gorchwyl a Gorffen ac Adroddiadau Blyneddol, ewch i wefan y Cyngor Sir: .

I gysylltu â'r Uned Gwasanaethau Democrataidd, ffoniwch 01267 224028 neu e-bostiwch craffu@sirgar.gov.uk.

9. Presenoldeb

Dangosir presenoldeb gan aelodau'r Pwyllgor Craffu - Perfformiad ac Adnoddau Corfforaethol yn ystod blwyddyn y cyngor 2025/26 yn y tabl isod. Cynhaliwyd cyfanswm o chwe chyfarfod yn ystod blwyddyn y Cyngor 2025/26.

Aelod y Pwyllgor Craffu	Cyfarfodydd a fynychwyd	%
Y Cynghorydd Kim Broom	6 [o 6]	100
Y Cynghorydd Terry Davies	6 [o 6]	100
Y Cynghorydd Alex Evans	3 [o 6]	50
Y Cynghorydd Nysia Evans	4 [o 6]	67
Y Cynghorydd Deian Harries	0 [o 6]	0
Y Cynghorydd Shone Hughes	6 [o 6]	100
Y Cynghorydd Rob James (bu'n rhan o'r Pwyllgor tan Mai 2026)	0 [o 6]	0
Y Cynghorydd Gareth John	5 [o 6]	83
Y Cynghorydd Dot Jones (bu'n rhan o'r Pwyllgor tan Ebrill 2026)	4 [o 4]	100
Y Cynghorydd Giles Morgan	6 [o 6]	100
Y Cynghorydd Dai Nicholas	3 [o 6]	50
Y Cynghorydd Stephen Williams	6 [o 6]	100
Swydd wag	Amh	Amh
Swydd wag	Amh	Amh
Swydd wag	Amh	Amh
Aelodau'r Cabinet	Cyfarfodydd a fynychwyd	
Y Cynghorydd Darren Price (Arweinydd tan fis Rhagfyr 2025)*	2	
Y Cynghorydd Linda Davies (Arweinydd o fis	2	

Rhagfyr 2025)*	
Y Cyngorydd Philip Hughes (Trefniadaeth a'r Gweithlu)*	1
Y Cyngorydd Alun Lenny (Adnoddau)*	4
Y Cyngorydd Y Cyngorydd Hazel Evans (Dirprwy Arweinydd)*	1

** Mae Aelodau Cabinet yn mynychu cyfarfodydd yn ôl yr angen.*